

Adroddiad i'r:	Pwyllgor Archwilio Cymunedau
Dyddiad y Cyfarfod:	10 Medi 2015
Aelod Arweiniol:	Aelod Arweiniol Datblygu Cymunedol
Awdur yr Adroddiad:	Swyddog Arweiniol: Pobl Ifanc, Diogelu a Datblygu Gweithlu
Teitl:	Adroddiad Cynnydd Proffilio Grwpiau Cymunedol

1. Am beth mae'r adroddiad yn sôn?

Pwrpas yr adroddiad yw diweddarau'r Pwyllgor Archwilio ar y cynnydd o ran mapio a phroffilio grwpiau cymunedol, y themâu sy'n dod i'r amlwg a'r camau nesaf.

2. Beth yw'r rheswm dros lunio'r adroddiad hwn?

I ddarparu gwybodaeth am y cynnydd wrth fapio a phroffilio grwpiau cymunedol a'r themâu sy'n dod i'r amlwg.

3. Beth yw'r Argymhellion?

Bod y Pwyllgor yn:

- 3.1 ystyried yr wybodaeth a ddarparwyd ac yn rhoi sylwadau yn unol â hynny; ac yn
- 3.2 cefnogi parhau i fapio a phroffilio grwpiau cymunedol yn y sir.

4. Manylion yr Adroddiad

Gwybodaeth Gefndir

Mae'n bwysig ein bod ni'n deall cyd-destun y ddarpariaeth gymunedol yn y sir ar gyfer plant a phobl ifanc a bod y ddarpariaeth yn cael ei phroffilio.

Bydd yr wybodaeth yma'n cyfrannu at lywio'r broses gynllunio ar gyfer ymateb i anghenion plant a phobl ifanc yn y gymuned ehangach y tu allan i weithgareddau a darpariaethau ysgolion.

Gall y broses hefyd helpu i nodi bylchau a dyblygu yn y dull strwythuredig.

Dull

Mae Gweithwyr Ieuenctid yn cyfarfod â gweithwyr/gwirfoddolwyr arweiniol grwpiau cymunedol ac yn cwblhau proffil hunanasesu. Mae ffurflen yn cael ei llenwi sy'n cynnwys 10 o ddangosyddion (gweler atodiad 1, tabl 1). Yn ddelfrydol mae'n well llenwi'r ffurflen drwy gael sgwrs wyneb yn wyneb. Mae'n bwysig cael trafodaeth ar y cyd er mwyn deall y lefelau gweithgarwch.

Cynnydd

Mae oddeutu 1000 o grwpiau ar gronfa ddata cymdeithasau a grwpiau chwaraeon y Cyngor. Rydym ni wedi dod ar draws rhai grwpiau nad ydynt ar y rhestr hon ac wedi canfod nad yw rhai o'r grwpiau ar y rhestr bellach yn bodoli. Fodd bynnag, mae'r gwasanaeth yn dal yn defnyddio 1000 fel ffigwr tybiannol.

Mae 273 o grwpiau wedi llenwi'r ffurflen broffilio, mae 15 o grwpiau wedi dewis peidio â'i llenwi ac mae 6 grŵp yn llenwi'r ffurflen ar hyn o bryd. Cynhaliwyd y gweithgaredd mapio yn ystod y gwyliau ysgol a bydd y canlyniadau yn cael eu bwydo i mewn i'r system fonitro ddiwedd mis Medi.

Themâu sy'n dod i'r Amlwg

Mae Atodiad 1 yn rhoi trosolwg manylach o'r cynnydd a'r themâu sy'n dod i'r amlwg. Dylid trin y themâu â gofal gan na fydd darlun llawn y gweithgareddau yn hysbys tan y bydd mwy o grwpiau wedi eu proffilio.

Mae'r wybodaeth ynglŷn â grwpiau a chymdeithasau yn cynnwys grwpiau nad ydynt yn berthnasol i blant a phobl ifanc. Mewn rhai achosion, 'gallai' plant a phobl ifanc fod wedi mynychu'r grwpiau ond bod y grwpiau heb ystyried hynny. O ganlyniad bydd y gronfa ddata yn destun craffu pellach er mwyn 'targedu' darpariaethau ar gyfer pobl ifanc dan 25 oed yn benodol.

Ceir amrywiaeth o weithgareddau cymunedol ar draws y sir. Mae'r rhain yn cynnwys gweithgareddau a darpariaethau mewn meysydd fel chwaraeon, y celfyddydau perfformio, diwylliant, yr amgylchedd, awyr agored, grwpiau eglwys a grwpiau ieuencid mewn lifrai. Mae cyfran fawr o'r grwpiau yn grwpiau gwirfoddol a/neu'n cael eu darparu'n annibynnol o'r Cyngor (64%)

Ar draws y dangosyddion (gweler atodiad 1, tabl 2) mae rhai tueddiadau diddorol wedi dechrau dod i'r amlwg. Mae'n werth edrych ar rai o'r rhain rŵan yn hytrach na nes ymlaen. Mae'r rhain yn cynnwys, er enghraifft:

Ceir cydbwysedd o arddulliau cyfranogi ar draws y sir; o oedolion yn cymryd yr awenau i bobl ifanc yn arwain sesiynau. Tra bod angen i'r dull cyfranogi fod yn briodol i gyd-destun y gweithgaredd, efallai bod achos i hyrwyddo'r gwaith arweinwyr ifanc y mae Cyfathrebu, Marchnata a Hamdden yn ei hyrwyddo/darparu (gyda phartneriaid).

Drwy weithio gyda'r Panel Diogelu Corfforaethol a'r ymgyrch ymwybyddiaeth gyhoeddus sydd ar y gweill mewn perthynas â beth yw diogelu o gymharu ag 'amddiffyn', bydd trafodaethau cynnar yn cael eu cynnal gyda Chyngor Gwasanaethau Gwirfoddol Sir Ddinbych (CGGSDd) a Chyngor Gweithredu Gwirfoddol Cymru (WCVA) er mwyn rhoi cymorth pellach i grwpiau gwirfoddol a chymunedol ar arferion diogelu.

Mae'r proffilio yn awgrymu bod darpariaethau'r Cyngor yn ymwneud yn fwy â gweithgareddau sy'n cydnabod dysgu anffurfiol (trwy dystysgrifau mewnol) a dysgu ffurfiol (gweithgaredd sy'n cael ei achredu drwy gorff dyfarnu allanol, e.e. Agored Cymru, Sports Leaders UK). Ceir enghreifftiau o ddarpariaethau cymunedol dan arweiniad gwirfoddolwyr yn gwneud hyn hefyd (e.e. y Sgowtiaid). Fodd bynnag, mae'r darlun cyffredinol sy'n dod i'r amlwg yn awgrymu bod nifer fach o ddarpariaethau gwirfoddol/cymunedol yn tueddu i beidio â gwneud hyn. Efallai bod lle i wella profiad cyfranogwyr a chynnig mynediad i raglenni anffurfiol a ffurfiol / neu rannu sut y gellid gwneud hyn.

Ar draws pob sector ymddengys bod y defnydd o TGCh a'r cyfryngau digidol â phroffil is na'r disgwyl. Mae hyn yn sefyll allan yng ngraff 1. Nid yw pob darpariaeth yn defnyddio TGCh mewn sesiynau. Fodd bynnag, o ystyried y newid i 'ddewis digidol', byddai'n gwneud synnwyr ystyried y cydbwysedd rhwng darpariaethau 'rhithwir' a 'chorfforol'.

Y Camau Nesaf

Y bwriad yw:

1. Adolygu rhestr wybodaeth grwpiau 'hysbys' y sir a chynllunio'r cam nesaf o fapio a phroffilio. Bydd hyn yn cynnwys targedu aelodaeth 11-25 oed fel blaenoriaeth.
2. Categorioidio/diffinio darpariaethau er mwyn dosbarthu grwpiau yn well.
3. Cyfrannu at brosiect Bobl i Bobl yng Nghorwen. (mae'r prosiect yn edrych ar ffyrdd y gellir helpu cymunedau i wella eu hardaloedd drwy ddulliau cyd-gynhyrchu). Arweinir y prosiect hwn gan y Gwasanaeth Moderneiddio a Gwella Busnes.
4. Gweithio gyda'r WCVA a chyda CCGSDd i'w helpu i dargedu hyfforddiant diogelu sector gwirfoddol a chymorth arall y gall fod ar grwpiau gwirfoddol bychain ei angen.
5. Archwilio'r posibilrwydd o gysylltu gwybodaeth am wefannau darpariaethau a chymdeithasau er mwyn i'r cyhoedd gael mynediad atynt (gallai hyn fod drwy wefan newydd Dewis Cymru, cronfa ddata'r Gwasanaeth Gwybodaeth i Deuluoedd a/neu drwy wefan y Cyngor).
6. Pan fydd y grwpiau wedi eu mapio - adolygu hyn gyda budd-ddeiliaid i sicrhau bod yr holl ddarpariaethau wedi eu cynnwys cyhyd ag y bo'n ymarferol.

5. Sut mae'r penderfyniad yn cyfrannu at y Blaenoriaethau Corfforaethol?

Bydd yr ymarfer yn cyfrannu at ddealltwriaeth y Cyngor o weithgareddau grwpiau cymunedol a gwirfoddol sy'n cefnogi datblygu a chyflawni'r Cynllun Lles yn ogystal â diogelu plant, pobl ifanc ac oedolion mewn perygl.

6. Faint fydd hyn yn ei gostio a sut y bydd yn effeithio ar wasanaethau eraill?

Bydd yr holl gostau yn cael eu cefnogi gan gyllidebau gwasanaeth. Oherwydd cyfyngiadau ariannol parhaus mae angen adolygu'r gwaith hwn yn barhaus i sicrhau cydbwysedd rhwng canlyniadau a buddion.

7. Beth yw prif gasgliadau'r Asesiad o Effaith ar Gydraddoldeb (AEC) a gynhaliwyd ar y penderfyniad? Dylai'r templed AEC wedi'i lenwi gael ei atodi fel atodiad i'r adroddiad.

Pwrpas yr adroddiad yw adolygu ac ystyried y cynnydd o ran mapio a phroffilio darpariaethau cymunedol ar gyfer plant a phobl ifanc. Felly, nid yw'r adroddiad yn ceisio penderfyniad mewn ymateb i gynnig. Nid oes unrhyw effaith andwyol ar unrhyw un o'r nodweddion a ddiogelir o ganlyniad i'r adroddiad hwn. Gweler atodiad 2 ynghlwm.

8. Pa ymgynghoriadau a gynhaliwyd gyda'r Pwyllgorau Archwilio ac eraill?

Cynhaliwyd ymgynghoriad gyda budd-ddeiliaid allweddol drwy'r Bartneriaeth Plant, Pobl Ifanc a Theuluoedd.

9. Datganiad y Prif Swyddog Cyllid

Dylai unrhyw gost sy'n gysylltiedig â'r ymarfer mapio a phroffilio fod wedi ei chynnwys o fewn y cyllidebau presennol ac felly nid oes goblygiadau ariannol amlwg yn yr adroddiad.

10. Pa risgiau sydd ac a oes unrhyw beth y gallwn ei wneud i'w lleihau?

Nid oes unrhyw risg penodol wedi ei nodi hyd yma mewn perthynas â phroffilio grwpiau cymunedol.

11. Pŵer i wneud y Penderfyniad

Mae erthygl 6.1 Cyfansoddiad y Cyngor yn amlinellu cyfrifoldeb y Pwyllgor mewn perthynas â chraffu ar faterion datblygu cymunedol, tra bo erthygl 6.3.2 yn nodi pwerau'r Pwyllgor mewn perthynas â chraffu ar faterion sy'n effeithio ar yr ardal neu ei thrigolion.

Swyddog Cyswllt:

Swyddog Arweiniol: Pobl Ifanc, Diogelu a Datblygu Gweithlu
Rhif Ffôn: 01824 712730